

PRÆPARATIO AD MISSAM PRO OPPORTUNITATE SACERDOTIS FACIENDA

ANTIPHONA

Ne reminiscáris, * Dómine, delícta nostra vel paréntum nostrórum, neque vindíctam sumas de peccátis nostris. (T. P. Allelúia.)

PSALMUS 83

Quam dilécta tabernácula tua, Dómine virtútum: * concupíscit, et déficit ánima mea in átria Dómini.

Cor meum, et caro mea * exsultavérunt in Deum vivum.

Etenim passer invénit sibi domum: * et turtur nidum sibi, ubi ponat pullos suos.

Altária tua, Dómine virtútum: * Rex meus, et Deus meus.

Beáti, qui hábitant in domo tua, Dómine: * in sæcula sæculórum laudábunt te.

Beátus vir, cuius est auxiliúm abs te: * ascensiónes in corde suo dispósuit, in valle lacrimárum in loco, quem pósuit.

Etenim benedictiónem dabit legislátor, íbunt de virtúte in virtútem: * vidébitur Deus deórum in Sion.

Dñe, Deus virtútum, exáudi oratiónem meam: * áuribus pèrcipe, Deus Iacob.

Protéctor noster, áspice, Deus: * et réspice in faciém Christi tui:

Quia mélior est dies una in átriis tuis, * super millia.

Elégi abiéctus esse in domo Dei mei: * magis quam habitáre in tabernáculis peccatórum.

Quia misericórdiam, et veritátem diligit Deus: * grátiam et glóriam dabit Dóminus.

Non privábit bonis eos, * qui ámbulant in innocéntia.

Dómine virtútum, * beátus homo, qui sperat in te. Glória Patri.

PSALMUS 84

Benedixísti, Dómine, terram tuam: * avertísti captivitátem Iacob.

Remisísti iniquitátem plebis tuæ: * operuísti ómnia peccáta eórum.

Mitigásti omnem iram tuam: * avertísti ab ira indignatiónis tuæ.

Convérte nos, Deus, salutáris noster: * et avérte iram tuam a nobis.

Numquid in ætérnum irascéris nobis? * aut exténdes iram tuam a generatióne in generatiónem?

Deus, tu convérsus vivificábis nos: * et plebs tua lætábitur in te.

Osténde nobis, Dómine, misericórdiam tuam: * et salutáre tuum da nobis.

Audiam, quid loquátur in me Dñus Deus: * quóniam loquétur pacem in plebem suam.

Et super sanctos suos: * et in eos, qui convertúntur ad cor.

Verúmtamen prope timéntes eum salutáre ipsíus: * ut inhábitet glória in terra nostra.

Misericórdia et véritas obviavérunt sibi: iustítia et pax osculátæ sunt.

Véritas de terra orta est: * et iustítia de cælo prospéxit.

Etenim Dóminus dabit benignitátem: * et terra nostra dabit fructum suum.

Iustítia ante eum ambulábit: * et ponet in via gressus suos. Glória Patri.

PSALMUS 85

Inclína, Dómine, aurem tuam, et exáudi me: * quóniam inops, et pauper sum ego.

Custódi ánimam meam, quóniam sanctus sum: * salvum fac servum tuum, Deus meus, sperántem in te.

Miserére mei, Dñe, quóniam ad te clamávi tota die: * lætifica ánimam servi tui, quóniam ad te, Dómine, ánimam meam levávi.

Quóniam tu, Dñe, suávis, et mitis: * et multæ misericórdiæ ómnibus invocántibus te. Auribus pèrcipe, Dómine, oratiónem meam: * et inténde voci deprecatiónis meæ.

In die tribulatiónis meæ clamávi ad te: * quia exaudísti me.

Non est similis tui in diis, Dómine: * et non est secúndum ópera tua.

Omnes gentes quascúmque fecísti, vénient, et adorábunt coram te, Dómine: * et glorificábunt nomen tuum.

Quóniam magnus es tu, et faciens mirabilia: * tu es Deus solus.

Deduc me, Dómine, in via tua, et ingrédia-
re in veritáte tua: * lætétur cor meum ut tí-
meat nomen tuum.

Confitébor tibi, Dómine, Deus meus, in toto corde meo: * et glorificábo nomen tuum in ætérnum.

Quia misericórdia tua magna est super me: * et eruísti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam: * et non proposuérun-
t te in conspéctu suo.

Et tu, Dñe, Deus miserátor et miséricors, * pátiens, et multæ misericórdiæ, et verax.

Réspice in me, et miserére mei, * da impérium tuum púero tuo: et salvum fac filium ancillæ tuæ.

Fac mecum signum in bonum, ut vídeant qui odérunt me, et confundántur: * quóniam tu, Dómine, adiuvísti me, et consolátus es me. Glória Patri.

PSALMUS 115

Crédidi, propter quod locútus sum: * ego autem humiliátus sum nimis.

Ego dixi in excéssu meo: * Omnis homo mendax.

Quid retríbuam Dómino, * pro ómnibus, quæ retribuit mihi?

Cálicem salutáris accípiam: * et nomen Dómini invocábo.

Vota mea Dómino reddam coram omni pópulo eius: * pretiósá in conspéctu Dómini mors sanctórum eius.

O Dómine, quia ego servus tuus: * ego servus tuus, et filius ancillæ tuæ.

Dirupísti víncula mea: * tibi sacrificábo hóstiam laudis, et nomen Dñi invocábo.

Vota mea Dño reddam in conspéctu omnis pópuli eius: * in átriis domus Dñi, in médio tui, Ierúsalem. Glória Patri.

PSALMUS 129

De profúndis clamávi ad te, Dómine: * Dómine, exáudi vocem meam.

Fiant aures tuæ intendéntes, * in vocem deprecatiónis meæ.

Si iniquitátes observáveris, Dómine: * Dómine, quis sustinébit?

Quia apud te propitiátio est: * et propter legem tuam sustínui te, Dómine.

Sustínuit ánima mea in verbo eius: * sperávit ánima mea in Dómino.

A custódia matutína usque ad noctem: * speret Israel in Dómino.

Quia apud Dóminum misericórdia: * et copiósa apud eum redemptio.

Et ipse rédimet Israel, * ex ómnibus iniquitátibus eius. Glória Patri.

ANTIPHONA

Ne reminiscáris, * Dómine, delícta nostra vel paréntum nostrórum, neque vindíctam sumas de peccátis nostris. (T. P. Allelúia.)

Postea Sacerdos dicit:

Kýrie, eléison.
Christe, eléison.
Kýrie, eléison.

Pater noster.

✠ Et ne nos indúcas in tentatiónem.

✠ Sed libera nos a malo.

✠ Ego dixi: Dómine, miserére mei.

✠ Sana ánimam meam, quia peccávi tibi.

✠ Convértere, Dómine, aliquántulum.

✠ Et deprecáre super servos tuos.

✠ Fiat misericórdia tua, Dñe, super nos.

✠ Quemádmódum sperávimus in te.

✠ Sacerdótes tui induántur iustítiam.

✠ Et Sancti tui exsúltent.

✠ Ab occúltis meis munda me, Dómine.

✠ Et ab aliénis parce servo tuo.

✠ Dómine, exáudi oratiónem meam.

✠ Et clamor meus ad te véniat.

✠ Dóminus vobíscum.

✠ Et cum spíritu tuo.

ORÉMUS.

Aures tuæ pietátis, mitíssime Deus, inclína précibus nostris, et grátia Sancti Spíritus illúmina cor nostrum: ut tuis mystériis digne ministráre, teque ætérna caritáte dilígere mereámur.

Deus, cui omne cor patet et omnis volúntas lóquitur, et quem nullum latet secrétum: purifica per infusiónem Sancti Spíritus cogitatiónes cordis nostri; ut te perfécte dilígere, et digne laudáre mereámur.

Ure igne Sancti Spíritus renes nostros et cor nostrum, Dómine: ut tibi casto corpore serviámus, et mundo corde placeámus.

Mentes nostras, quæsumus, Dómine, Paráclitus, qui a te procedit, illúminet: et indúcat in omnem, sicut tuus promísit Filius, veritátem.

Adsit nobis, quæsumus, Dñe, virtus Spíritus Sancti: quæ et corda nostra cleménter expúrget et ab ómnibus tueátur advérsis.

Deus, qui corda fidélium Sancti Spíritus illustratióne docuísti: da nobis in eódem Spíritu recta sápere; et de eius semper consolatióne gaudére.

Consciéntias nostras, quæsumus, Dómine, visitándo purifica: ut véniens Dóminus noster Iesus Christus, Filius tuus, parátam sibi in nobis invéniat mansiónem: Qui tecum vivit et regnat in unitáte Spíritus Sancti Deus: per ómnia sæcula sæculórum.

✠ Amen.

ORATIO S. AMBROSII ANTE MISSAM

Ad mensam dulcissimi convívii tui, pie Dómine Iesu Christe, ego peccátor de própriis meis méritis nihil præsumens, sed de tua confidens misericórdia et bonitáte, accédere véreor et contremísco. Nam cor et corpus hábeo multis crimínibus maculátum, mentem et linguam non caute custodítam. Ergo, o pia Déitas, o treménda maiestas, ego miser, inter angústias deprehensus, ad te fontem misericórdiæ recúrro, ad te festíno sanándus, sub tuam protecti-
ónem fúgio; et, quem Iúdicem sustinére néqueo, Salvatórem habére suspiro. Tibi, Dómine, plagas meas osténdo, tibi verecúndiam meam détego. Scio peccáta mea multa et magna, pro quibus timeo; spero in misericórdias tuas, quarum non est número. Réspice ergo in me óculis misericórdiæ tuæ, Dñe Iesu Christe, Rex ætérne, Deus et homo, crucifixus propter hóminem. Exáudi me sperántem in te: miserére mei pleni misériis et peccátis, tu qui fontem miserationis numquam manáre cessábis. Salve, salutáris víctima, pro me et omni humáno gènere in patíbulo Crucis obláta. Salve, nóbilis et pretióse Sanguis, de vulnéribus crucifixi Dómini mei Iesu Christi prófluens, et peccáta totíus mundi ábluens. Recordáre, Dñe, creatúræ tuæ, quam tuo Sanguine redemísti. Pœnitet me peccásse, cúpio emendáre quod feci. Aufer ergo a me, clementissime Pater, omnes iniquitátes et peccáta mea; ut, purificátus mente et corpore, digne degustáre mérear Sancta sanctórum. Et concéde, ut hæc sancta prælibátio Córporis et Sanguinis tui, quam ego indignus súmeré inténdo, sit peccatórum meórum remis-
sio, sit delictórum perfectá purgátio, sit túr-
pium cogitatiónum effugátio ac bonórum sénsuum regenerátio, operúmque tibi placéntium salúbris effacícia, animæ quoque et cörperis contra inimicórum meórum insídias firmíssima tuítio. Amen.

ORATIO S. THOMÆ AQUINATIS

Omnipotens sempitérne Deus, ecce, accédo ad sacraméntum unigéniti Filii tui, Dómini nostri Iesu Christi; accédo tamquam infirmus ad medicum vitæ, immúndus ad fontem misericórdiæ, cæcus ad lumen claritátis æternæ, pauper et egénus ad Dñum cæli et terræ. Rogo ergo imménsæ largitátis tuæ abundántiam, quátenus meam curáre dignéris infirmitátem, laváre foeditátem, illumináre cæcitaté, ditáre paupertátem, vestíre nuditátem; ut panem Angelórum, Regem regum et Dóminum dominántium, tanta suscípiam reveréntia et humilitáte, tanta contritióne et devotióne, tanta puritáte et fide, tali propósito et intenti-
óne, sic-
ut expedit salutí animæ meæ. Da mihi, quæso, Domínici Córporis et Sanguinis non solum suscípere sacraméntum, sed étiam rem et virtútem sacraménti. O mitissime Deus, da mihi Corpus unigéniti Filii tui, Dómini nostri Iesu Christi, quod traxit de Virgine María, sic suscípere, ut cörperi suo mýstico mérear incorporári, et inter eius

membra connumerári. O amantíssime Pa-ter, concéde mihi diléctum Filium tuum, quem nunc velátum in via suscípere propóno, reveláta tandem fácie perpétuo contemplári: Qui tecum vivit et regnat in unitáte Spíritus Sancti Deus: per ómnia sæcula sæculórum. Amen.

ORATIO AD BEATAM MARIAM VIRGINEM

ANTE MISSAM

O Mater pietátis et misericórdiæ, beatíssima Virgo María, ego miser et indignus pec-
cátor ad te confúgio toto corde et affectu; et precor pietátem tuam, ut, sicut dulcíssimo Filio tuo in Cruce pendénti astitísti, ita et mihi, misero peccatóri, et sacerdotíbus ómnibus, hic et in tota sancta Ecclesiá hódie offeréntibus, cleménter assistere dignéris, ut, tua grátia adiúti, dignam et acceptábilem hóstiam in conspéctu summæ et indivíduæ Trinitátis offerre valeámus. Amen.

PRECES AD S. IOSEPH

O felicem virum, beátum Ioseph, cui datum est, Deum, quem multi reges volué-
runt vidére et non vidérunt, audíre et non audierunt, non solum vidére et audíre, sed portáre, deosculári, vestíre et custodíre! ✠ Ora pro nobis, beáte Ioseph.

✠ Ut digni efficiámur promissi-
ónibus Christi.

ORÉMUS.

Deus, qui dedísti nobis regále sacerdoti-
um: præsta, quæsumus; ut, sicut beátus Ioseph unigénitum Filium tuum, natum ex María Virgine, suis mánibus reverénter tra-
ctáre méruit et portáre, ita nos fácias cum cordis mundítia et óperis innocéntia tuis sanctis altáribus deservíre, ut sacrosánctum Filii tui Corpus et Sanguinem hódie digne sumámus, et in futúro sæculo præmíum habére mereámur ætérnum. Per eúndem Christum, Dñum nostrum. ✠ Amen.

ORATIO AD OMNES ANGELOS ET SANCTOS

Angeli, Archángeli, Throni, Dominatió-
nes, Principátus, Potestátes, Virtútes cælórum, Chérubim atque Séraphim, omnes Sancti et Sanctæ Dei, præsértim Patróni mei, intercédere dignémini pro me, ut hoc sacrificium Deo omnipoténti digne váleam offerre, ad laudem et glóriam nóminis sui et ad utilitátem meam totiúsque Ecclesiæ suæ sanctæ. Amen.

ORATIO AD SANCTUM,

IN CUIUS HONOREM MISSA CELEBRATUR

O sancte (sancta, sancti, sanctæ) N., ecce, ego miser peccátor, de tuis (vestris) méritis confisus, offero nunc sacratíssimum sacra-
méntum Córporis et Sanguinis Dñi nostri Iesu Christi pro tuo (vestro) honóre et gló-ria. Precor te (vos) humíliter et devóte, ut pro me hódie intercédere dignéris (dignémini), ut tantum sacrificium digne et acceptábili-
ter offerre váleam, ut eum tecum (vobis-
cum) et cum ómnibus eléctis eius æternáli-
ter laudáre, atque cum eo regnáre váleam: Qui vivit et regnat in sæcula sæculórum. Amen.

DECLARATIO INTENTIONIS ANTE MISSAM

Ego volo celebráre Missam, et conficere Corpus et Sanguinem Dñi nostri Iesu Chri-
sti, iuxta ritum sanctæ Románæ Ecclesiæ, ad laudem omnipoténtis Dei totiúsque Cúriæ triumphántis, ad utilitátem meam totiúsque Cúriæ militántis, pro ómnibus, qui se commendavérunt oratió-
nibus meis in gènere et in spécie, et pro felici statu sanctæ Románæ Ecclesiæ. Amen.

Gáudium cum pace, emendatiónem vitæ, spátium veræ pæniténtiæ, grátiam et conso-
latiónem Sancti Spíritus, perseverántiam in bonis opéribus tribuat nobis omnipotens et miséricors Dóminus. Amen.

Quia Sacerdos aut tacita mentis cogitatione, aut submissa vocis expressione debet recitare singulatim nomina, pro quibus in ipsa celebratione vult singulariter orare (ut insinuatur per illas litteras N. N. in Canone contentas) et ne huiusmodi determinatarum personarum nominatio ob multitudinem, aut incertum ordinem ingerat Sacerdoti celebranti confusionem, non inutile erit sequentem servare ordinem ex 20. quasi. quodlib. Doct. Subt. et ex aliorum gravissimorum Doctorum scriptis excerptum.

MEMENTO, DÓMINE, SI TIBI PLACET.

VIVORUM.

- Mei Paréntum, Cognatórum, Fratrum, Sorórum, et amicórum meórum.
- Coetus Cardinálium, ac ómnium Superi-
órum Ordinis, atque Sacerdótum, et San-
ctæ Ecclesiæ ministrórum.
- Omnium meæ curæ subiectórum, tam-
quam spirituálium filiórum, et ómnium fundatórum, patronórum, et bene-
factórum spirituálium, et temporálium.
- Omnium Principum Christianórum, Do-
minatiónum, et Rerumpublicárum tem-
porálium.
- Omnium peccántium, inimicórumque meórum, atque conversi-
ónis ómnium hæreticórum, et infidélium.
- Et ómnium, pro quibus scis, et vis me de-
bére oráre.

MORTUORUM.

- Animárum Paréntum, Fratrum, Sorórum, Cognatórum, atque amicórum ómnium.
- Animárum ómnium benefactórum, tam spirituálium, quam temporálium.
- Animárum ómnium mihi in gènere et in spécie commissárum.
- Animárum Prælatórum, Sacerdótum, et ómnium ministrórum Sanctæ Románæ Ecclesiæ Dei, et Apostólicæ.
- Animárum morte improvisa corpóribus exutárum, atque eárum, quarum non est speciális memória.
- Animárum, quæ mei occasióne in Purga-
tório purgántur; eárum quoque misérri-
me in Purgatório existéntium.
- Et eárum ómnium, pro quibus scis, et vis me debére oráre.

MONITUM

Sancti Ecclesiæ Doctores Carolus et Alfonsus sacerdotés tam inveniores quam seniores commonent, ut sapius Ritum in celebratione Missæ servandos perlegant, ne in errores circa ritus servandos incidant.

GRATIARUM ACTIO POST MISSAM PRO OPPORTUNITATE SACERDOTIS FACIENDA

ANTIPHONA

Trium puerórum * cantémus hymnum, quem cantábant Sancti in camíno ignis, benedicéntes Dóminum. (T. P. Allelúia.)

CANTICUM TRIUM PUERORUM

(Dan. 3, 57-88 & 56)

Benedícite, ómnia ópera Dómini, Dómino; * laudáte et superexaltáte eum in sæcula.

Benedícite, Angeli Dómini, Dómino; * benedicíte, cæli, Dómino.

Benedícite, aquæ omnes quæ super cælos sunt, Dómino; * benedicíte, omnes virtútes Dómini, Dómino.

Benedícite, sol et luna, Dómino: * benedicíte, stellæ cæli, Dómino.

Benedícite, omnis imber et ros, Dómino; * benedicíte, omnes Spíritus Dei, Dómino.

Benedícite, ignis et æstus, Dómino; * benedicíte, frigus et æstus, Dómino.

Benedícite, rores et pruína, Dómino; * benedicíte, gelu et frigus, Dómino.

Benedícite, glácies et nives, Dómino; * benedicíte, noctes et dies, Dómino.

Benedícite, lux et ténebræ, Dómino; * benedicíte, fulgura et nubes, Dómino.

Benedícat terra Dóminum; * laudet et superexáltet eum in sæcula.

Benedícite, montes et colles, Dómino; * benedicíte, univérsa germinántia in terra, Dómino.

Benedícite, fontes, Dómino; * benedicíte, mária et flúmina, Dómino.

Benedícite, cete et ómnia, quæ movéntur in aquis, Dómino; * benedicíte, omnes vólucres cæli, Dómino.

Benedícite, omnes béstiae et pécora, Dómino; * benedicíte, filii hóminum, Dómino.

Benedícat Israel Dóminum; * laudet et superexáltet eum in sæcula.

Benedícite, sacerdótes Dómini, Dómino; * benedicíte, servi Dómini, Dómino.

Benedícite, spíritus et animæ iustórum, Dómino; * benedicíte, sancti et húmiles corde, Dómino.

Benedícite, Ananía, Azaría, Mísael, Dómino; * laudáte et superexaltáte eum in sæcula.

Benedicámus Patrem et Fílium cum Sancto Spíritu: * laudémus et superexaltémus eum in sæcula.

Benedíctus es, Dómine, in firmaménto cæli: * et laudábilis, et gloriósus, et superexaltátus in sæcula.

¶ *Hic non dicitur* Glória Patri, *neque* Amen.

PSALMUS 150

Laudáte Dóminum in sanctis eius: * laudáte eum in firmaménto virtútis eius.

Laudáte eum in virtútibus eius: * laudáte eum secúndum multitudínem magnitúdinis eius.

Laudáte eum in sono tubæ: * laudáte eum in psalterio et cíthara.

Laudáte eum in týmpano et choro: * laudáte eum in chordis et órgano.

Laudáte eum in cýmbalis benesonántibus, laudáte eum in cýmbalis iubilatiónis: * omnis spíritus laudet Dóminum.

Glória Patri.

ANTIPHONA

Trium puerórum * cantémus hymnum, quem cantábant Sancti in camíno ignis, benedicéntes Dóminum. (T. P. Allelúia.)

Postea Sacerdos dicit:

Kýrie, eléison. Chríste, eléison. Kýrie, eléison.

Pater noster.

✠ Et ne nos indúcas in tentatiónem.

✠ Sed líbera nos a malo.

✠ Confiteántur tibi, Dñe, ómnia ópera tua.

✠ Et Sancti tui benedícant tibi.

✠ Exsultábunt Sancti in glória.

✠ Laetabúntur in cubílibus suis.

✠ Non nobis, Dómine, non nobis.

✠ Sed nómini tuo da glóriam.

✠ Dómine, exáudi oratiónem meam.

✠ Et clamor meus ad te véniat.

ORÉMUS.

Deus, qui tribus púeris mitigásti flammās ignium: concéde propítius; ut nos fámulos tuos non exúrat flamma vitiórum.

Actiões nostras, quæsumus, Dómine, aspirándo præveni et adiuvándo proséquere: ut cuncta nostra orátio et operátio a te semper incípiat, et per te cœpta finiatúr.

Da nobis, quæsumus, Dómine, vitiórum nostrórum flammās exstinguere: qui beáto Lauréntio tribuísti tormentórum suórum incéndia superáre. Per Christum Dóminum nostrum. ✠ Amen.

ORATIO S. THOMÆ AQUINATIS

Grátias tibi ago, Dómine, sancte Pater, omnipotens ætérne Deus, qui me peccatórem, indígnum fámulum tuum, nullis meis méritis, sed sola dignatióne misericórdiae tuæ satiáre dignátus es pretiósó Córpore et Sanguine Filii tui, Dómini nostri Iesu Christi. Et precor, ut hæc sancta commúnio non sit mihi reátus ad pœnam, sed intercæssio salutáris ad véniam. Sit mihi armatúra fidei et scutum bonæ voluntátis. Sit vitiórum meórum evacuátio, concupiscéntiæ et libídinis exterminátio, caritátis et patiéntiæ, hu-

mitátis et obœdiéntiæ, omniúmque virtútum augmentátio: contra insídias inimicórum ómnium, tam visibílium quam invisibílium, firma defénsio: mó-tuum meórum, tam carnálium quam spirituálium, perfectá quietátio: in te uno ac vero Deo firma adhæsió; atque finis mei felix consummátio. Et precor te, ut ad illud ineffábile convívium me peccatórem perdúcere dignéris, ubi tu cum Fílio tuo et Spíritu Sancto Sanctis tuis es lux vera, satietas plena, gáudium sempitérnum, iucúnditas consummáta et felícitas perfectá. Per eúndem Christum, Dóminum nostrum. Amen.

ALIA ORATIO

Transfige, dulcíssime Dómine Iesu, medúllas et víscera animæ meæ suavísimo ac salubérrimo amoris tui vulnere, vera serenáque et apostólica sanctíssima caritáte, ut lángueat et liquefiat anima mea solo semper amore et desiderio tui; te concupíscat et deficiat in átria tua, cúpiat dissólvi et esse tecum. Da, ut anima mea te esúriat, panem Angelórum, refectiόnem animárum sanctárum, panem nostrum cotidiánum, supersubstántialem, habéntem omnem dulcédinem et sapórem et omne delectaméntum suavitátis. Te, in quem desíderant Angeli prospicere, semper esúriat et cómedat cor meum, et dulcédine sapóris tui repleántur víscera animæ meæ; te semper sítiat fontem vitæ, fontem sapiéntiæ et sciéntiæ, fontem ætérni lúminis, torréntem voluptátis, ubertátem domus Dei. Te semper ámbiat, te quærat, te invéniat, ad te tendat, ad te pervéniat, te meditétur, te loquátur, et ómnia operétur in laudem et glóriam nóminis tui, cum humilitáte et discretiόne, cum dilectiόne et delectatiόne, cum facilitáte et afféctu, cum perseverántia usque in finem; ut tu sis solus semper spes mea, tota fidúcia mea, divítiæ meæ, delectátio mea, iucúnditas mea, gáudium meum, quies et tranquillitas mea, pax mea, suávitās mea, odor meus, dulcédo mea, cibus meus, refectiό mea, refúgium meum, auxílium meum, sapiéntia mea, pór-tio mea, posséssio mea, thesáurus meus, in quo fixa et firma et immobiliter semper sit radicáta mens mea et cor meum. Amen.

RHYTHMUS S. THOMÆ AQUINATIS

Adóre te devóte, latens Déitas, Quæ sub his figúris vere látitas: Tibi se cor meum totum súbicít, Quia, te contémplans, totum déficit.

Visus, tactus, gustus in te fállitur, Sed audítu solo tuto créditur: Credo, quidquid dixit Dei Fílius, Nil hoc verbo Veritátis vérius.

In Cruce latébat sola Déitas, At hic latet simul et humánitas; Ambo tamen credens atque cónfitens, Peto, quod petívit latro pœnitens.

Plagas, sicut Thomas, non intúeor, Deum tamen meum te confíteor: Fac me tibi semper magis crédere, In te spem habére, te diligere.

O memoriále mortis Dómini, Panis vivus, vitam præstans hómini: Præsta meæ menti de te vívere, Et te illi semper dulce sápere.

Pie pellicáne, Iesu Dómine, Me immúndum munda tuo Sanguine: Cuius una stilla salvum fácere Totum mundum quit ab omni scélere.

Iesu, quem velátum nunc aspício, Oro, fiat illud, quod tam sitio: Ut, te reveláta cernens fácie, Visu sim beátus tuæ glóriæ. Amen.

ORATIO AD D. N. I. C. CRUCIFIXUM

En ego, o bone et dulcíssime Iesu, ante conspéctum tuum génibus me provólvo ac máximo ánimo ardóre te oro atque obtestor, ut meum in cor vívidos fidei, spei et caritátis sensus, atque veram peccatórum meórum pœniténtiam, éaque emendándi firmissimam voluntátem velis imprimere; dum magno ánimo afféctu et dolóre tua quinque vulnera mecum ipse consídero ac mente contémplor, illud præ óculis habens, quod iam in ore ponébat tuo David Prophéta de te, o bone Iesu: Fodérunt manus meas et pedes meos; dinumeravérunt ómnia ossa mea.

ORATIO UNIVERSALIS CLEMENTIS PP. XI

Credo, Dómine, sed credam firmius; spero, sed sperem secúrius; amo, sed amem ardéntius; dóleo, sed dóleam veheméntius.

Adóre te ut primum princípium; desídero ut finem últimum; laudo ut benefactórem perpétuum; invoco ut defensórem propítium.

Tua me sapiéntia dirige, iustítia cóntine, cleméntia soláre, poténtia prótege.

Offero tibi, Dómine, cogitánda, ut sint ad te; dicénda, ut sint de te; faciénda, ut sint secúndum te; ferénda, ut sint propter te.

Volo quidquid vis, volo quia vis, volo quómodo vis, volo quámdiu vis.

Oro, Dómine: intelléctum illúmines, voluntátem inflámmes, cor emúndes, animam sanctífices.

Défleam prætéritas iniquitátes, repéllam futúras tentatiónes, córrigam vitiósas propensiónes, éxcolam idóneas virtútes.

Tríbue mihi, bone Deus, amórem tui, ódium mei, zelum próximi, contémptum mundi.

Stúdeam superióribus obœdíre, inferióribus subveníre, amícis consúlere, inimícis párcere.

Vincam voluptátem austeritáte, avarítiam largitáte, iracúndiam lenitáte, tepiditátem fervóre.

Redde me prudéntem in consíliis, cónstántem in perículis, patiéntem in advérsis, húmílem in prósperis.

Fac, Dómine, ut sim in oratióne atténtus, in épulis sóbrius, in múnere sédulus, in propósito firmus.

Curem habére innocéntiam interiόrem, modéstiam exteriόrem, conversatiόnem exemplárem, vitam regulárem.

Assidue invígilem natúræ domándæ, grátiae fovéndæ, legi servándæ, salúti promeréndæ.

Discam a te quam ténue quod terrénum, quam grande quod divínum, quam breve quod temporáneum, quam durábile quod ætérnum.

Da mortem præveníam, iudícium pertímeam, inférnum effúgiam, paradísum obtíneam. Per Christum... Amen.

ASPIRATIONES AD SS. REDEMPTOREM

Anima Christi, sanctífica me. Corpus Christi, salva me. Sanguis Christi, inébria me. Aqua láteris Christi, lava me. Pássio Christi, confórta me. O bone Iesu, exáudi me. Intra tua vulnera absconde me. Ne permittas me separári a te. Ab hoste maligno defénde me. In hora mortis meæ voca me. Et iube me veníre ad te, ut cum Sanctis tuis laudem te in sæcula sæculórum. Amen.

OBLATIO SUI

Súscipe, Dómine, univérsam meam libertátem. Accipe memóriam, intelléctum atque voluntátem omnem. Quidquid hábeo vel possídeo, mihi largitus es: id tibi totum restituo, ac tuæ prorsus voluntáti trado gubernándum. Amórem tui solum cum grátia tua mihi dones, et dives sum satis, nec áliud quidquam ultra posco.

ALIA ORATIO

Hanc orationem recitanti flexis genibus, nisi impediatur, conceditur remissio defectuum et culparum in

celebratione Missæ ex humana fragilitate contractarum. — Pius Pp. X, 29 augusti 1912.

Obsecro te, dulcíssime Dómine Iesu Chríste, ut pássio tua sit mihi virtus, qua múniar, prótegar atque defénder, vulnera tua sint mihi cibus potúsque, quibus pascar, inébrier atque delécter; aspérsio Sanguinis tui sit mihi ablútio ómnium delictórum meórum: mors tua sit mihi vita indeficiens, Crux tua sit mihi glória sempitérna. In his sit mihi refectiό, exsultátio, sánitas et dulcédo cordis mei: Qui vivis et regnas in sæcula sæculórum. Amen.

ORATIO AD BEATAM MARIAM VIRGINEM

O María, Virgo et Mater sanctíssima, ecce, suscépi dilectíssimum Fílium tuum, quem immaculáto útero tuo concépísti, genuísti, lactásti, atque suavíssimis amplexibus strinxísti. Ecce, cuius aspéctu lætabáris et ómnibus delíciis replebáris, illum ipsum tibi humíliter et amánter repræsénto et offero tuis bráchiis cónstringéndum, tuo corde amándum, sanctíssimæque Trinitáti in suprémum latríæ cultum, pro tui ipsíus honóre et glória et pro meis totiúsque mundi necessitatibus, offeréndum. Rogo ergo te, piíssima Mater, impetra mihi véniam ómnium peccatórum meórum, uberémque grátiam ipsi deinceps fidélius serviéndi, ac dénique grátiam finálem, ut eum tecum laudáre possim per ómnia sæcula sæculórum. Amen.

ORATIO AD S. IOSEPH

Vírginum custos et pater, sancte Ioseph, cuius fidéli custodiæ ipsa Innocéntia Christus Iesus et Virgo vírginum María commíssa fuit: te per hoc utrúmque caríssimum pignus Iesum et Maríam obsecro et obtéstor, ut me, ab omni immundítia præservátum, mente incontamináta, puro corde et casto córpore Iesu et Maríæ semper fácias castíssime famulári. Amen.

ORATIO AD SANCTUM,

IN CUTUS HONOREM MISSA CELEBRATA EST

Sancte (sancta, sancti, sanctæ) N., in cuius honórem incruéntum Córporis et Sanguinis Christi sacrificium obtuli, fac, tua poténti apud Deum intercessiόne, ut, usu huius mystérii, passiόnis et mortis eiúsdem Christi Salvatóris nostri mérita cónsequar, ac, cum illius frequentatiόne, contínuo crescat meæ salútis efféctus. Amen.